

 <b>NAZARBAYEV UNIVERSITY</b>	<b>«Назарбаев Университеті» дербес білім беру ұйымы</b>		
	<b>Бекіткен орган:</b>	Провост	
<b>«Назарбаев Университеті» дербес білім беру ұйымының Дайындық мектебіне Университет алдындағы дайындық бағдарламасы бойынша оқуға қабылдау қағидалары</b>			
<b>Бекітілген күні:</b>	29.10.2021ж.	<b>Күшіне енгізілген күні</b>	29.10.2021
<b>Шешімнің/хаттаманың №:</b>	№ 136-н/қ		
<b>ІНҚ жіктеуші:</b>	2.1.1. Foundation and bachelor's degree		
<b>Бастамашы:</b>	А. Жазыкпаева Студенттерді оқуға қабылдау департаментінің директоры		
<b>Өзара байланысты құжаттар</b>	Өзара байланысты құжаттар жоқ		

### 1-тарау. Жалпы ережелер

1. Осы «Назарбаев Университеті» дербес білім беру ұйымының Дайындық мектебіне Университет алдындағы дайындық бағдарламасы бойынша оқуға қабылдау қағидалары (бұдан әрі – Қағидалар) мыналарға:

1) «Назарбаев Университеті», «Назарбаев Зияткерлік мектептері» және «Назарбаев Қоры» мәртебесі туралы» Қазақстан Республикасының 2011 жылғы 19 қаңтардағы Заңына;

2) Жоғары қамқоршылық кеңестің 2013 жылғы 18 сәуірдегі шешімімен бекітілген «Назарбаев Университеті» дербес білім беру ұйымының Жарғысына;

3) Жоғары қамқоршылық кеңестің 2018 жылғы 1 желтоқсандағы шешімімен бекітілген 2018-2030 жылдарға арналған «Назарбаев Университеті» Стратегиясының негізгі бағыттарына сәйкес әзірленген

және «Назарбаев Университеті» дербес білім беру ұйымының Дайындық мектебіне оқуға алу үшін талапкерлердің конкурсын ұйымдастыру және жүзеге асыру тәртібін айқындайды.

2. Осы Қағидаларда пайдаланылатын негізгі ұғымдар және қысқартулар:

1) **ACT** (American College Testting) – АҚШ университеттері қабылдау емтихандары ретінде танитын орта мектеп оқушыларының үлгерімін бағалайтын стандартталған тест. Тестіде ұзақтығы 30 минут жазу дағдыларын бағалайтын қосымша бөлім көзделген;

2) **Қабылдау комиссиясы** – Университеттің Дайындық мектебіне оқуға қабылдау жөніндегі іс-шараларды іске асыру мақсатында құрылған Университет жанындағы консультативтік-кеңесші орган. Қабылдау комиссиясы арнайы мәселелерге назар аударып жұмыс жасау үшін кіші комиссияны құрастыра алады;



3) **Студенттерді оқуға қабылдау департаменті** – НУУАДБ, бакалавриат, магистратура және докторантура бағдарламаларына студенттерді оқуға қабылдауды қамтамасыз етуге жауапты Университеттің құрылымдық бөлімшесі;

4) **Талапкер** – осы Қағидаларда көзделген талаптар мен шарттарға жауап беретін және конкурсқа қатысушы Қазақстан Республикасының азаматы, шетел азаматы немесе азаматтығы жоқ тұлға;

5) **Сауалнама нысаны** – жеке кабинетте орналастырылған, НУУАДБ-ға түсуге арналған өтінім-сауалнама;

6) **Университеттің Дайындық мектебі** – негізгі мақсаты НУУАДБ-ны іске асыру болып табылатын Университеттің академиялық бөлімшесі;

7) **Оқуға қабылдауға келісім нысаны** – оқуға шақыруды алғаннан кейін оны қабылдау немесе одан бас тарту туралы мәлімдеу үшін талапкерлер толтыратын нысан;

8) **Кепілдік жарна** – талапкерге Университеттің Дайындық мектебінде НУУАДБ-дағы орынға кепілдік беретін міндетті төлем, оның мөлшері Университеттің Басқарушы кеңесінің шешіміне сәйкес белгіленеді;

9) **IELTS (International English Language Testing System)** – Британдық кеңес, Кэмбридж Университеті ESOL және IDP Education Pty Ltd әкімшілендіретін, ағылшын тілі бойынша білім деңгейін анықтауға арналған стандартталған тест. НУУАДБ-ға оқуға қабылдау және іріктеу процесі шеңберінде қабылданатын IELTS жалғыз нұсқасы Academic IELTS болып табылады, ол ағылшын тілінде оқуды жоспарлап отырған талапкерлерге арналған;

10) **Linguaskill** – ағылшын тіліндегі барлық төрт дағдыны - сөйлеуді, тыңдалымды, оқылым мен жазуды тестілеу үшін Cambridge Assessment English әзірлеген ағылшын тілін білуді бағалайтын тест. НУУАДБ-ға оқуға қабылдау және іріктеу процесі шеңберінде талапкерлер Тестілеу орталығында тікелей қатысумен тапсырған Linguaskill тестінің нәтижелерін ұсына алады;

11) **NUET (Nazarbayev University Entrance Test)** – Кэмбридждің оқуға түсу тестілерін бағалау жөніндегі бөлімшесі (The Cambridge Assessment Admissions Testing) әзірлеген, Математика және Сыни тұрғыдан ойлау және мәселелерді шешу дағдылары бойынша стандартталған қабылдау емтиханы;

12) **Назарбаев Университетінің Университет алдындағы дайындық бағдарламасы (НУУАДБ)** – Университеттің бакалавриат бағдарламаларына түсуге арналған Университеттің Дайындық мектебінің біржылдық жеделдетілген университет алдындағы дайындық курсы;

13) **Жеке кабинет** – тіркеу жүргізілгеннен кейін Университет сайтында талапкерге жеке кеңістік беретін дербес онлайн сервис;

14) **SAT (SAT Reasoning Test - Scholastic Aptitude Test or Scholastic Assessment Test)** – жоғары оқу орындарына қабылдауға арналған стандартталған тест. Математика, мәтінді талдау және жазу атты үш бөлімнен тұратын оқушылардың жоғары оқу орындарына дайындығын бағалауға арналған тест;



15) **Тыңдаушы** – осы Қағидаларда көзделген конкурстың барлық кезеңдерінен ойдағыдай өткен және Университет Провостының немесе оны алмастыратын тұлғаның шешіміне сәйкес Университеттің Дайындық мектебіне оқуға алынған талапкер;

16) **Суперскоринг (Superscoring)** – ең жақсы жалпы балл алу үшін екі және одан да көп SAT тесті сертификаттарының барлық емтихан бөлімдері бойынша ең жоғары баллдарды пайдалану;

17) **Тест әкімшісі** – стандартталған тесттерді әзірлеуге және әкімшілік етуге және тестілеуге, тексеру мен жеткізуге байланысты рәсімдерге жетекшілік етуге құқығы бар ұйым;

18) **Тестілеу орталығы** – тиісті тесттің үлгілері мен талаптарына сай келетін бақыланатын және тексерілетін ортада тесттер мен емтихандарды өткізуге авторизацияланған, тіркелген мамандырылған мекеме;

19) **TOEFL (Test of English as a Foreign Language)** – Educational Testing Service (ETS) әзірлеген ағылшын тілі бойынша білім деңгейін анықтауға арналған стандартталған тест. НУУАДБ-ға оқуға қабылдау және іріктеу процесі шеңберінде қабылданатын TOEFL тестінің жалғыз түрі бұл TOEFL iBT (бұдан әрі – TOEFL) тесті. TOEFL iBT Home Edition НУУАДБ-ға оқуға қабылдау және іріктеу процесі шеңберінде қабылданбайды;

20) **Университет** – «Назарбаев Университеті» дербес білім беру ұйымы;

21) **Университет сайты** – Университеттің интернет ресурсы, [www.nu.edu.kz](http://www.nu.edu.kz).

## 2-тарау. Қабылдау шарттары мен тәртібі

3. Университеттің Дайындық мектебіне оқуға қабылдау конкурстық негізде жүзеге асырылады.

4. Конкурсты өткізу және құжаттарды қабылдау мерзімдерін жыл сайын Қабылдау комиссиясы бекітеді және Университеттің сайтында жариялайды.

5. Конкурсқа белгіленген талаптарға сәйкес мына критерийлерге сай келетін талапкерлер қатыса алады:

1) орта білім беру ұйымдарының бітіруші сыныптарының оқушылары;

2) техникалық кәсіптік, орта білімнен кейінгі және жоғары білім беру ұйымдарының соңғы курстарының оқушылары;

3) орта, орта білімнен кейінгі немесе жоғары білімі бар талапкерлер.

6. Конкурсқа тыңдаушылар болып табылатын немесе Дайындық мектебін бітірген тұлғалар, сондай-ақ Университеттің бакалавриат бағдарламаларының немесе жоғары оқу орнынан кейінгі оқу бағдарламаларының оқитын студенттері мен түлектері қатыса алмайды.

7. Талапкерлерді конкурстық іріктеу мынадай кезеңдерден тұрады:

1) бірінші кезең – Құжаттар пакеті мен тест нәтижелерін тапсыру;

2) екінші кезең – NUET;

3) үшінші кезең – Қабылдау комиссиясының талапкерлердің конкурс нәтижелерін қарауы.



8. Еңсерілмейтін күш мән-жайларына немесе осындай мүмкіндіктің болмауын растайтын басқа да жағдайларға байланысты, осы Қағидалардың 7-тармағының 1)-2) тармақшаларында көрсетілген конкурстық іріктеудің бірінші және екінші кезеңдерінің қандай да бір тесттерін өткізу мүмкін болмаған жағдайда Қабылдау комиссиясы тиісті кезеңнен өткізбей-ақ, талапкерлердің құжаттарын қарап қабылдауға және/немесе осы Қағидалардың 7-тармағының 1)-2) тармақшаларында көрсетілген тесттерді баламалы тесттерге ауыстыруға құқылы. Бұл ретте Қабылдау комиссиясы іріктеу және бағалау критерийлерінің тиімді әдіснамасын әзірлейді және қабылдайды.

9. Конкурстың нәтижесі бойынша апелляцияны қарау рәсімі көзделмейді.

### **3-тарау. NUET сипаттамасы мен тәртіп талаптары**

10. Университет емтихандардың өтетін күні, форматы мен орны немесе онлайн платформаны белгілейді, ол туралы талапкерге оның жеке кабинетінде көрсетілген электрондық поштасы арқылы хабарлайды, сондай-ақ ақпарат Университет сайтында жарияланады.

11. Осы Қағидаларда көзделген жағдайларды қоспағанда, NUET тесті Университет қаражаты есебінен өткізіледі.

12. NUET екі пән бөлімдері бойынша өткізіледі: Математика және Сыни тұрғыдан ойлау және мәселелерді шешу дағдылары. Әр пән бөлімі бірнеше жауап нұсқалары бар 30 тест тапсырмаларынан тұрады. Әр пән бөлімі бойынша тестілеудің ұзақтығы – 60 минут.

13. NUET стандартталған бағалау шкаласының ауқымы әр пән бөлімі бойынша 0-ден 120-ға дейінгі баллды құрайды. Ең төменгі өту баллы 2 (екі) пән бөлімі бойынша жиынтығында кемінде 120 баллды құрайды, бұл ретте пән бөлімдерінің әрқайсысы бойынша ең төменгі өту баллы кемінде 50 балл болуы тиіс.

14. Тест нормалары мен форматын Тест әкімшісі айқындайды.

15. Емтихандардың тест тапсырмаларының саны мен ұзақтығын Тест әкімшісі өзгертуі мүмкін.

16. Талапкерлер Тест әкімшісі бекіткен қағидалар мен рәсімдерде көзделген тестілеуден өту талаптарын сақтауға міндетті. Тестілеуден өту талаптары Университеттің сайтында жарияланады, сондай-ақ тестілеу өткізілгенге дейін талапкерге электрондық пошта арқылы жіберіледі.

17. Тестілеуден өтудің аталған талаптарын бұзған талапкерлердің қорытындыларын Тест әкімшісі, Қабылдау комиссиясының кіші комиссиясы немесе Қабылдау комиссиясы жояды. Нәтижелерді жою талапкерді болашақта Университетке өтінімді қайта беру құқығынан айырады.

### **4-тарау. Қабылдау комиссиясы**

18. Қабылдау комиссиясының негізгі міндеттері:



1) Университеттің Дайындық мектебіне НУУАДБ-ға талапкерлерді қабылдау процесінің мәселелері бойынша Университеттің Студенттерді оқуға қабылдау департаментімен өзара іс-қимыл жасау;

2) Қабылдау комиссиясының кіші комиссияның жұмысын қоса алғанда, конкурстың кезеңдері бойынша талапкерлердің нәтижелерін қарау;

3) қабылдау және оқуға алу кестесін бекіту;

4) Университетке оқуға алуға ұсынымдар беру;

5) осы Қағидаларда көзделген негізгі қызмет үшін қажетті өзге де функцияларды жүзеге асыру.

19. Қабылдау комиссиясының құрамы мен хатшысы Университет Провостының немесе оны алмастыратын тұлғаның шешімімен бекітіледі.

20. Қабылдау комиссиясының құрамында Қабылдау комиссиясының төрағасы, төрағаның орынбасары мен хатшы белгіленеді. Қабылдау комиссиясының құрамына Дайындық мектебінің және Университеттің басқа да мектептерінің ұсынымдары бойынша Университет мектебінің/мектептерінің өкіл(дер)ін қоса алғанда, Университеттің әріптес жоғары оқу орнының өкілі(дері) кіруі мүмкін. Қабылдау комиссиясы мүшелерінің саны кем дегенде 5 адамды құрайды.

21. Қабылдау комиссиясының төрағасы болмаған кезеңде оның өкілеттігін төрағаның орынбасары атқарады.

22. Қабылдау комиссиясының хатшысы Университеттің Студенттерді оқуға қабылдау департаменті жұмыскерлерінің арасынан тағайындалады. Хатшының дауыс беру құқығы жоқ. Қабылдау комиссиясының хатшысы болмаған жағдайда төраға оны алмастыратын хатшыны тағайындайды.

23. Университеттің Студенттерді оқуға қабылдау департаменті Қабылдау комиссиясының жұмысын ұйымдастырады және жоспарлайды.

24. Қабылдау комиссиясының отырыстары қажеттілігіне қарай, осы Қағидалардың 22-тармағында көрсетілген жағдайды қоса алғанда, төрағаның немесе төраға орынбасарының басшылығымен өткізіледі. Егер отырысқа Қабылдау комиссиясының барлық құрамынан кемінде үш мүше қатысса, Қабылдау комиссиясының кворумы заңды болып есептеледі.

25. Қабылдау комиссиясының мүшелеріне емтихандардың нәтижелерімен талапкерлердің тізімдері беріледі. Талапкерлердің жеке істері Қабылдау комиссиясы мүшелерінің сұрауы бойынша берілуі мүмкін.

26. Қабылдау комиссиясының шешімдері қатысып отырған Қабылдау комиссиясы мүшелерінің жай көпшілік даусымен қабылданады. Қабылдау комиссиясының әрбір мүшесі бір дауысқа ие болады. Дауыстар тең болғанда Қабылдау комиссиясы төрағасының немесе оны алмастыратын тұлғаның дауысы шешуші болып табылады.

27. Қабылдау комиссиясының мүшелері аудио-, бейнеконференциялар немесе басқа да интерактивті коммуникация түрлері арқылы отырыстарға қатысуға, дауыс беруге және шешімдер қабылдауға құқылы. Осы коммуникация құралдарының көмегімен қатысу тәсілі кворумды және шешім қабылдау үшін қажетті дауыстарды есептегенде ескеріледі және хаттамада көрсетіледі.





28. Отырыстардың қорытындылары хаттамалармен қазақ және ағылшын тілдерінде «Назарбаев Университеті» дербес білім беру ұйымында негізгі қызмет және білім алушылардың жеке құрамы бойынша жекелеген ішкі әкімдік құжаттарды дайындау қағидаларына сәйкес рәсімделеді. Хаттамаларға Қабылдау комиссиясының төрағасы мен хатшысы немесе оларды алмастыратын тұлға(лар) қол қояды және үшінші тұлғаларға жариялауға жатпайды.

29. Қабылдау комиссиясы отырыстарының хаттамалары құпия болып саналады.

30. Қабылдау комиссиясы отырыстарының барлық хаттамалары нөмірленуі және тігілуі тиіс. Хаттамалар Университет архивіне берілгенге дейін Студенттерді оқуға қабылдау департаментінде тіркеледі және сақталады.

### **5-тарау. Конкурстық іріктеу кезеңдері**

31. Конкурстық іріктеудің бірінші кезеңінде қатысуға өтінім беру үшін талапкер жеке кабинетте:

1) дербес деректерді өңдеуге келісуі және Университеттің ішкі құжаттарында белгіленген қайтарылмайтын тіркеу жарнасын алдын ала төлеп, сауалнама нысанын толтыруы;

2) Университет нысаны бойынша білім беру ұйымынан бітіруші сыныпта (курста) оқитынын растайтын фотосуреті бар және фотосуреттің үстінен сол білім беру ұйымының мөрі қойылған анықтаманың немесе тиісті білім беру деңгейін бітіргендердің қосымшасымен бірге білімі туралы құжаттың (жалпы орта білім туралы аттестат, диплом және т.б.) нотариалдық расталған көшірмесінің сканерленген көшірмесін қоса беруі, сондай-ақ егер қосымшасымен бірге білімі туралы құжат қазақ, орыс немесе ағылшын тілінде жасалмаған болса, оның нотариалдық куәландырылған ағылшын тіліне аудармасының сканерленген көшірмесін қоса беруі;

3) жеке куәліктің немесе паспорттың сканерленген көшірмесін немесе 16 жасқа толмаған және паспорты жоқ талапкерлер туу туралы куәліктің көшірмесін қоса беруі;

4) Университет сайтында және/немесе жеке кабинетте жарияланған мерзімдерде осы Қағидаларға 1-қосымшадағы талаптарға сәйкес Тест әкімшісінің жүйесінен жүктелген жарамды IELTS, және/немесе TOEFL, және/немесе Linguaskill сертификатының балл нәтижелерін тексеруі және оның сканерленген көшірмесін қоса беруі қажет. Конкурстық іріктеуде жеке кабинетте соңғы ұсынылған IELTS/TOEFL сертификаты қарастырылады. Егер талапкер IELTS/TOEFL нәтижелеріне қосып Linguaskill нәтижелерін ұсынса, конкурста ең үздік сертификатты қарастыру үшін Linguaskill баллдары соңғы ұсынылған IELTS/TOEFL сертификатымен осы Қағидаларға 2-қосымшаға сәйкес теңестіріледі.

32. Университет сайтында және/немесе жеке кабинетте жарияланған мерзімдерде осы Қағидалардың 31-тармағының барлық талаптарын сәтті



орындаған талапкерлер екінші кезең шеңберінде өтетін NUET тестін тапсыруға жіберіледі.

33. Осы Қағидалардың 32-тармағында белгіленген талапкерлер Университет сайтында және/немесе жеке кабинетте жарияланған мерзімдерде осы Қағидаларға 1-қосымшадағы талаптарға сәйкес басқа Тест әкімшісінің жүйесінен жүктелген жарамды IELTS, және/немесе TOEFL, және/немесе Linguaskill сертификатының балл нәтижелерін тексеріп, оның сканерленген көшірмесін қоса бере алады. Осы сертификаттарды қарастыру тәртібі осы Қағидалардың 31-тармағының 4) тармақшасында сипатталған.

34. NUET емтиханына шақыру алғаннан кейін талапкер тест онлайн өтетін жағдайда, Тест әкімшісі қойған техникалық талаптарға сай келу үшін дайындалуы тиіс. Тестілеудің форматына (онлайн, компьютерде немесе қағазда) қарамастан, талапкерлер тестке тіркелу барысында осы Қағидалардың 31-тармағының 3) тармақшасына сәйкес жеке басын куәландыратын құжаттарды ұсына отырып, тіркеу кезінде авторизация рәсімінен өтуі тиіс. 16 жасқа толмаған талапкерлер қосымша осы Қағидалардың 31-тармағының 2) тармақшасында көрсетілген анықтаманы ұсынуға тиіс. Жоғарыда көрсетілген құжаттар болмаған жағдайда, талапкер тестілеуден өтуге жіберілмейді.

35. NUET тестін Университеттің Дайындық мектебінің көмегімен Тест әкімшісі әкімшілендіреді және бағалайды және осы Қағидалардың 6-тармағы мен 3-тарауына сәйкес жүргізіледі.

36. NUET нәтижелері талапкердің жеке кабинетінде орналастырылады. NUET емтиханын сәтті тапсырған талапкерлер үшінші кезеңде қарастырылады.

## **6-тарау. Университеттің Дайындық мектебіне оқуға қабылдау**

37. Іріктеу процесінің бірінші мен екінші кезеңдері аяқталғанда Қабылдау комиссия үшінші кезеңге кіріседі және келесі критерийлердің негізінде талапкерлер рейтингін бекітеді:

1) осы Қағидалардың 13-тармағында көрсетілген ең төменгі талаптарға сәйкес келетін NUET нәтижелері;

2) осы Қағидаларға 1-қосымшада көрсетілген ең төменгі талаптарға сәйкес келетін IELTS/TOEFL/Linguaskill нәтижелері. TOEFL мен Linguaskill баллдары алдын ала IELTS баллдарына осы Қағидаларға 2-қосымшаға сәйкес өзгертіледі. Ары қарай рейтингте балл өзгертілген IELTS нәтижелері түрінде көрсетіледі.

38. Рейтинг үшін NUET бойынша тестілеудің неғұрлым жоғары жиынтық қорытындысына ие болған талапкерлердің басым құқығы бар.

NUET тестінің жиынтық қорытындысы тең болғанда Математика пәні бөлімінде неғұрлым жоғары балл жинаған талапкерлер басым құқыққа ие болады.

NUET тестінің Математика пәні бөлімінде нәтижелері тең болғанда IELTS бойынша жалпы баллы неғұрлым жоғары болған талапкерлер басым құқыққа ие болады.



IELTS бойынша жалпы балл тең болғанда секциялар бойынша неғұрлым жоғары балл жинаған талапкерлерге мынадай басымдылықпен басым құқық беріледі: жазу, оқылым, сөйлеу, тыңдалым.

39. Бірінші екі кезеңнен сәтті өту Университеттің Дайындық мектебіне оқуға қабылдануға кепілдік бермейді.

40. Қабылдау комиссиясы рейтинг және мемлекеттік білім беру тапсырысы және/немесе Университет бекіткен басқа қаржыландыру тәсілдері бойынша квота негізінде белгіленген бос орындар санына сәйкес талапкерлерді Университеттің Дайындық мектебіне оқуға қабылдауға ұсынады.

41. Оқуға қабылдауға ұсынылғандардың қатарына кірмеген, бірақ рейтингке енген талапкерлерден Қабылдау комиссиясы бекітетін күту тізімі қалыптастырылады. Қабылдау комиссиясы конкурсқа қатысудан бас тартқан және/немесе шығарылған, және/немесе оқуға шақырудан бас тартқан ұсынылған немесе қабылданған талапкерлер себебінен орындар бос болған жағдайда күту тізіміндегі талапкерлерді Университеттің Дайындық мектебіне рейтингке сәйкес оқуға қабылдауға ұсынуы мүмкін.

42. Оқуға қабылдауға ұсынылған талапкерлер Қабылдау комиссиясының қабылдаған шешімі туралы хабардар етіледі. Оқуға алу талаптары болған жағдайда, бұл талаптар хабарламада көрсетіледі. Хабарламада көрсетілген оқуға алу талаптарын мерзімінде орындамау талапкерді осы Қағидаларға сәйкес конкурсқа қатысу құқығынан айырады.

43. Оқуға қабылдауға ұсынылған талапкерлер белгілеген мерзімде:

1) жеке кабинетте оқуға қабылдануға келісімі және кепілдік жарнаны төлеуге келісімі туралы хабарлайды;

2) жеке кабинетте кепілдік жарнаны төлейді;

3) талапкердің жеке кабинетінде құжат болмаған жағдайда қосымшасы бар білім туралы құжаттың (жалпы орта білім туралы аттестат, диплом және т.б.) түпнұсқасының нотариалдық куәландырылған көшірмесінің сканерленген көшірмесін Студенттерді оқуға қабылдау департаментіне ұсынады. Егер білім туралы құжат қазақ, орыс немесе ағылшын тілдерде жасалмаған болса, онда оның нотариалдық куәландырылған ағылшын тіліне аудармасының сканерленген көшірмесі де ұсынылуы керек;

4) Студенттерді оқуға қабылдау департаментіне білім туралы құжаттың түпнұсқасын (жалпы орта білім туралы аттестат, диплом және т.б.) қосымшасымен бірге ұсынады.

44. Университет қосымша құжаттарды сұрауға құқылы.

45. Оқудан бас тарту немесе осы Қағидалардың 43-44-тармақтарында аталған құжаттардың бір немесе бірнешеуін ұсынбаған жағдайда, талапкер Университеттің Дайындық мектебіне оқуға қабылданбайды.

46. Егер талапкер сондай-ақ бакалавриат бағдарламаларына өтінім берсе, НУУАДБ-дан келген оқуға шақыруды қабылдағаннан кейін ол автоматты түрде бакалавриат бағдарламаларына оқуға түсу конкурсынан шығарылады және керісінше. Талапкерлер тек бір академиялық бағдарламаға және/немесе білім деңгейіне қабылдана алады.





47. Оқуға қабылданған тыңдаушылардың осы Қағидаларда талап етілген және конкурс кезінде талапкердің жеке кабинетіне жүктелген құжаттардың көшірмелері Университеттің Регистратор офисіне электрондық түрде қолжетімді және тыңдаушының жеке ісін қалыптастыру үшін қолданылады.

48. Осы Қағидалардың 43-тармағының 4) тармақшасында көрсетілген құжат Университеттің Регистратор офисіне тапсырылады және тыңдаушыға Университеттің ішкі құжаттарына сәйкес қайтарылуы тиіс.

49. Жалған немесе толық емес мәліметтерді ұсыну конкурстан шығаруға немесе оқуға қабылданған жағдайда Университеттен шығаруға әкеп соғады.

50. Талапкерлерді Университеттің гранттарына оқуға қабылдау Университет Провостының немесе оны алмастыратын тұлғаның шешімімен рәсімделеді.

51. Талапкерге Университет гранттарын беру Университеттің ішкі құжаттарында белгіленген тәртіпке сәйкес жүзеге асырылады.

52. Талапкерлерді ақылы негізде оқуға қабылдау осы Қағидалардың 7-тарауына сәйкес жүзеге асырылады.

#### **7-тарау. Ақылы негізде оқу үшін Университеттің Дайындық мектебіне оқуға қабылдау**

53. Ақылы негізде оқуға талапкерлерді қабылдау үшін Қабылдау комиссиясы қосымша конкурс өткізеді.

54. Ақылы негізде оқу үшін қосымша конкурсқа келесі санаттардың біріне жататын талапкерлер қатысуы мүмкін:

1) осы Қағидалардың 5-тармағында көрсетілген санаттардың біріне жататын, осы Қағидалардың 6-тармағына сәйкес конкурстың кезеңдерінен сәтті өткен және осы Қағидалардың 41-тармағына сәйкес күту парағына енгізілген талапкерлер;

2) осы Қағидалардың 5-тармағында көрсетілген санаттардың біріне сәйкес келетін, 1140 балл мөлшерінде ең төменгі талапқа сәйкес келетін жарамды SAT сертификаты және/немесе 24 балл мөлшерінде ең төменгі талапқа сәйкес келетін жарамды ACT сертификаты, сондай-ақ осы Қағидаларға 1-қосымшада көрсетілген ең төменгі талаптарға сәйкес келетін жарамды IELTS/TOEFL/Linguaskill сертификаты бар талапкерлер.

55. Осы Қағидалардың 54-тармағының 1) тармақшасына сәйкес келетін және Қабылдау комиссиясымен ақылы негізде оқуға қабылдауға ұсынылған талапкерлер осы Қағидалардың 43-тармағында көрсетілген талаптарды орындайды.

56. Осы Қағидалардың 54-тармағының 2) тармақшасына сәйкес келетін талапкерлер белгіленген мерзімде осы Қағидалардың 31-тармағында көрсетілген талаптарды орындауы және осы Қағидалардың 54-тармағының 2) тармақшасына сәйкес Тест әкімшісінің жүйесінен жүктелген жарамды SAT/ACT сертификатының балл нәтижелерін тексеруі және оның сканерленген көшірмесін қосымша ұсынуы қажет. Егер талапкер бірнеше SAT сертификаттарын ұсынса, оған суперскоринг қолданылады.



57. Конкурстық іріктеуде тек жарамды сертификаттар ғана қарастырылады. IELTS/TOEFL/Linguaskill және SAT/ACT тесттердің сертификаттары талапкер оқуға тапсырып жатқан тиісті академиялық жылдың 1-тамызына дейін қолданылу мерзімі аяқталмаған болса ғана жарамды болып есептеледі. Нәтижелердің қолданылу мерзімдері (SAT тестінен басқа), әр тесттің тиісті ресми сайтында беріледі. Конкурстық іріктеу шеңберінде SAT сертификатының қолданылу мерзімі тест тапсырған сәттен бастап үш жыл болып есептеледі.

58. Осы Қағидалардың 54-тармағының 2) тармақшасында белгіленген талапкерлердің оқуға қабылдаудың негізгі критерийлері:

1) осы Қағидалардың 54-тармағының 2) тармақшасында көрсетілген ең төменгі талаптарға сәйкес келетін SAT (суперскорингті қоса алғанда) нәтижелері және/немесе ACT тестілерінің нәтижелері;

2) осы Қағидаларға 1-қосымшада көрсетілген ең төменгі талаптарға сәйкес келетін IELTS/TOEFL/Linguaskill нәтижелері. TOEFL мен Linguaskill баллдары алдын ала IELTS баллдарына осы Қағидаларға 2-қосымшаға сәйкес өзгертіледі. Ары қарай рейтингте балл өзгертілген IELTS нәтижелері түрінде көрсетіледі

59. Осы Қағидалардың 54-тармағының 2) тармақшасында көрсетілген талапкерлер үшін SAT (суперскорингті қоса алғанда) және/немесе ACT тестілерінің ең жоғары нәтижелері бар талапкерлер басым құқыққа ие болады.

SAT немесе ACT тестінің нәтижелері тең болған кезде IELTS бойынша ең жоғары жалпы балл жинаған талапкерлер басым құқыққа ие болады.

IELTS бойынша жалпы балл нәтижелері тең болғанда секциялар бойынша неғұрлым жоғары балл жинаған талапкерлерге мынадай басымдылықпен басым құқық беріледі: жазу, оқылым, сөйлеу, тыңдалым.

60. Егер осы Қағидалардың 54-тармағының 2) тармақшасында белгіленген талапкерлер Қабылдау комиссиясымен ақылы негізде оқуға қабылдауға ұсынылса, олар осы Қағидалардың 43-тармағында көрсетілген талаптарды орындайды.

61. Осы Қағидалардың 44-49-тармақтары ақылы негізде оқуға қабылданатын талапкерлерге де қолданылады.

62. Ақылы негізде оқу үшін бос орындар саны шектеулі болған жағдайда осы Қағидалардың 54-тармағының 2) тармақшасында белгіленген талапкерлер басым құқыққа ие болады.

63. Талапкерлерді ақылы негізде оқуға қабылдау Университет Провостының немесе оны алмастыратын тұлғаның шешімімен рәсімделеді.

64. Осы Қағидалардың 54-тармағының 2) тармақшасында көрсетілген және оқуға қабылдауға ұсынылған талапкерлер оқуға қабылдау кезінде «Назарбаев Университеті» білім беру грантын тағайындау конкурсына қатыспайды.

## 8-тарау. Қорытынды ережелер



65. Осы Қағидаларда регламенттелмеген мәселелерді  
комиссиясы дербес шешеді. Қабылдау



«Назарбаев Университеті»  
 дербес білім беру ұйымының  
 Дайындық мектебіне  
 Университет алдындағы дайындық  
 бағдарламасы бойынша оқуға  
 қабылдау қағидаларына  
 1-қосымша

**IELTS, TOEFL және Linguaskill бойынша ең төменгі талаптар \***

	<b>IELTS</b>	<b>TOEFL</b>	<b>Linguaskill</b>
<b>Жалпы</b>	6.0	60	170
<b>Жазу</b>	5.0	16	161
<b>Оқылым</b>	5.0	6	161
<b>Сөйлеу</b>	5.0	15	161
<b>Тыңдалым</b>	5.0	5	161

\* Конкурстық іріктеуде тек жарамды және Тестілеу орталығында тікелей қатысу арқылы тапсырылған тест сертификаттары ғана қарастырылады. Сертификаттар талапкер оқуға тапсырып жатқан тиісті академиялық жылдың 1-тамызына дейін қолданылу мерзімі аяқталмаған болса ғана жарамды болып есептелінеді. Нәтижелердің қолданылу мерзімдері әр тесттің тиісті ресми сайтында беріледі.



«Назарбаев Университеті»  
 дербес білім беру ұйымының  
 Дайындық мектебіне  
 Университет алдындағы дайындық  
 бағдарламасы бойынша оқуға  
 қабылдау қағидаларына  
 2-қосымша

**НУУАДБ-ға қабылдау кезінде қолданылатын  
 ағылшын тілі тестерінің балл кестесі**

Жалпы/ орта	IELTS	-	-	6	6.5	7	7.5	8	8.5	9
	TOEFL	-	-	60-78	79-93	94-101	102-109	110-114	115-117	118-120
	Linguaskill	-	-	170-175	176-184	185-190	191-199	200-204	205-208	209+
Жазу	IELTS	5	5.5	6	6.5	7	7.5	8	8.5	9
	TOEFL	16-17	18-20	21-23	24-26	27-28	29	30	30	30
	Linguaskill	161	162-168	169-175	176-184	185-190	191-199	200-204	205-208	209+
Оқылым	IELTS	5	5.5	6	6.5	7	7.5	8	8.5	9
	TOEFL	6-7	8-12	13-18	19-23	24-26	27-28	29	29	30
	Linguaskill	161	162-168	169-175	176-184	185-190	191-199	200-204	205-208	209+
Сөйлеу	IELTS	5	5.5	6	6.5	7	7.5	8	8.5	9
	TOEFL	15	16-17	18-19	20-22	23	24-25	26-27	28-29	30
	Linguaskill	161	162-168	169-175	176-184	185-190	191-199	200-204	205-208	209+
Тыңдалым	IELTS	5	5.5	6	6.5	7	7.5	8	8.5	9
	TOEFL	5-6	7-11	12-19	20-23	24-26	27	28	29	30
	Linguaskill	161	162-168	169-175	176-184	185-190	191-199	200-204	205-208	209+

